

# Ein Schön

geistlich Nery lied / zū  
singen / So man zū morgens  
auff gestandē ist. Im thon/  
Entlaubet ist vnns  
der walde ꝛc.

Mit einem schönen gebet / vorn  
dar an gesetzt / Das ein iꝛlich Christen  
Mensch / der zū morgens auff gestans  
den were / billich beten solt.

Vnnd darnach / das Lied singen / vnnd  
Gott dancken vnd loben / Für seine  
grosse güte vnd barmherzigkeit /  
Die Er vns erzeiget / bey tag  
vnnd uacht.



AD BIBL.  
UNIVERS.  
MONAC.

# Ein Gebet des Ador- geus züsprecken.

**I**ch dancke dir meyn Him-  
lischer Vater durch Jesum  
Christum deinen lieben son/das  
du mich dise nacht vor allē scha-  
den vnd fahr behüt hast/ Vnd  
bitt dich/ du wöllest mich disen  
tag auch behütten vor sunden  
vñ allem vbel/ das dir all meyn  
thün vnd leben gefall/dann ich  
Befilhe mich/ mein leib vnd seel/  
vnd alles/ in deyne hend/Deyn  
heiliger Engel sey mit mir/das  
der böse seyndt keyn macht an  
mir finde/ Amen.

Ein schön Geistlich  
 Lied/zü singen/ so man zü mor-  
 gens auff gestanden ist. Im  
 thon/ Entlaubet ist vnns  
 der walde ic.

Ich danck dir lieber Herre/  
 das du mich hast bewart/ In  
 diser nacht geserde/ darinn ich  
 lag so hart/ mit finsternus vmb  
 fangē/ darzū in grosser not/ dar  
 auß ich bin entgangen/ halffstu  
 mir Herre Got.

Mit danck wil ich dich lobē/  
 o du mein Got vnd Herr/ Im  
 himel hoch dort oben/ den tag  
 mich auch gewer/ warumb ich

dich thū bitten/ vnd auch deyn  
 wil mag sein/ laidt mich in dey-  
 nen sitten/ vnd brich den willen  
 meyn.

Das ich Herr nit abweyche/  
 vonn deyner rechten ban/ Der  
 seynd mich nit erschlieche / dar-  
 mit ich yrr möcht gan / Erhalt  
 mich durch deyn güte / das bitt  
 ich fleissig dich/ fürs teufels list  
 vnd wütten/ darmit er setz an  
 mich.

Den glauben mir verleihe/ an  
 deyn son Ihesu Christ/ Meyn  
 sund mir auch verzeyhe / alhye  
 zū diser frist/ du wirst mirs nit  
 versagē/ wie du verheissen hast

das er meyn sünd thū tragenn /  
vnd löß mich von dem last.

Die hoffnung mir auch gibet /  
die nit verderben lest / darzü ein  
Christlich liebe / zū dē der mich  
verlezt / das ich im güts erzeige  
such nit darinn das meyn / vnd  
ließ in als mich eygen / nach all  
dem willen deyn.

Dein wort laß mich bekennē /  
für diser argen welt / auch mich  
dein diener nennen / nit fürchten  
gwoalt noch gelt / das mich bald  
möcht abkerē / von deiner war-  
heit klar / wölst mich auch nicht  
verscheren / von der Christliche  
schar.

Laß mich den tag vollenden/  
 zü lob dem namē dein/ Das ich  
 nit von dir wende/ ans end be-  
 stendig sein/ Behüt mir leib vnd  
 leben/ darzū die frucht im land/  
 was du mir hast gegeben/ steet  
 als in deiner hand.

Herr Christ dir lob ich sage/  
 vmb deine wolthat all/ Die du  
 mir disen tage/erzeigt hast vber  
 all/ dein namen wil ich preysen/  
 der du alleyn bist güt/ mit dey-  
 nem leib mich speise/trenck mich  
 mit deynem blüt.

Deyn ist allein die ehre/ deyn  
 ist alleyn der rhüm / Die rach  
 dir niemandt were/ deyn seggen

zū vnns kum / Das wir im frid  
entschlaffen / mit gnaden zū vns  
eyl / gib vns des glaubens was  
fen / fürs teufels listig pfeyl.



Georgius Spiamus  
vna Landstul  
com pto 35

32

Handwritten text in a medieval script, likely Gothic or similar, arranged in four lines. The text is faint and difficult to decipher due to fading and bleed-through from the reverse side of the page.

